

Broj: U.D-01-04-12419/21
Sarajevo, 31.08.2021. godine

Na osnovu člana 45. Statuta, člana 70. Zakona o javnim nabavkama BiH, i člana 14. stav (2) Pravilnika o javnim nabavkama JP „BH POŠTA“ d.o.o. Sarajevo, te preporuke Komisije za nabavku mobilnih terminalnih uređaja broj: 07.4-11-9-6827-20/21, od 25.08.2021. godine, Uprava Društva na 85. elektronskoj sjednici održanoj dana 31.08.2021. godine, d o n o s i:

O D L U K U

o izboru najpovoljnijeg ponuđača u postupku nabavke mobilnih terminalnih uređaja

I

Ovom Odlukom vrši se izbor najpovoljnijeg ponuđača: „**MIBO KOMUNIKACIJE**“ d.o.o. Sarajevo, Tvornička 3,71000 Sarajevo, BiH u postupku nabavke mobilnih terminalnih uređaja, sa ukupnom vrijednošću do **139.309,52 KM bez PDV-a, odnosno 162.992,14 KM sa PDV-om**

II

Izabrani ponuđač nije dužan dostaviti dokaze predviđene članom 45. Zakona o javnim nabavkama obzirom da je iste dostavio u sklopu svoje ponude

III

Po okončanju roka za žalbu odnosno po pravosnažnosti ove odluke, ugovorni organ će pozvati izabranog ponuđača, radi zaključenja ugovora kojim će se regulisati međusobna prava i obaveze vezane za predmetnu nabavku, u skladu sa zahtjevima - uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O B R A Z L O Ž E N J E

Na osnovu Rješenja Generalnog direktora o imenovanju komisije za provođenje postupka nabavke mobilnih terminalnih uređaja broj: 01-11-9-6827-5/21, od 15.06.2021. godine i Odluke o pokretanju postupka nabavke u mobilnih terminalnih uređaja broj U.D.01.04—8909/21, od 11.06.2021. godine, Komisija je provela postupak nabavke, putem otvorenog postupka sa objavljivanjem Obavještenja o nabavci, broj: 238-1-1-397-3-114/21, od 13.07.2021. godine na Portalu JN.

Javno otvaranje ponuda u postupku predmetne nabavke održano je dana 09.08.2021. godine u 10:15 sati, u Banket sali Generalne direkcije "JP BH POŠTA" d.o.o. Sarajevo, Obala Kulina bana br. 8, o čemu je sačinjen poseban Zapisnik o otvaranju ponuda broj: 07.4-11-9-6827-19/21, koji je sastavni dio ovog Izvještaja. Zapisnik sa otvaranja ponuda je poslan istog dana ponuđaču putem e-maila.

Komisija je prilikom otvaranja ponuda javno saopštila podatke o nazivu i sjedištu ponuđača, ukupnu cijenu ponude i eventualni popust, ne praveći tom prilikom uvid u sadržaj i validnost dostavljene dokumentacije.

Na Protokol Društva do roka određenog za prijem ponuda (09.08.2021. godine do 10:00 sati), pristigla je ponuda slijedećeg ponuđača:



1. „MIBO KOMUNIKACIJE “ d.o.o. Sarajevo, Tvornička 3 ,71000 Sarajevo, BiH

Komisija je, nakon završenog otvaranja ponuda, pristupila analizi i utvrđivanju validnosti prispjelih ponuda, te konstatovala slijedeće:

1. Da ponuda ponuđača „**MIBO KOMUNIKACIJE “ d.o.o. Sarajevo, Tvornička 3 ,71000 Sarajevo, BiH**, sa ukupnom vrijednosti ponude, bez uračunatog PDV-a u iznosu od **139.309,52 KM**, ispunjava sve zahtjeve ugovornog organa definisane u tenderskoj dokumentaciji, pa je shodno tome ocijenjena **prihvatljivom** za ugovorni organ.

Obzirom da je u propisanom roku na Protokol Društva prispjela samo jedna blagovremena i prihvatljiva ponuda, Komisija konstatuje da po članu 3., Stav (3) Pravilnika o uslovima i načinu korištenja e-aukcije (Službeni glasnik BiH, broj 66/16) nema uslova za održavanja iste.

Na osnovu navedenog činjeničnog stanja, rang lista ponuđača koji su ispunili kvalifikacione uslove je slijedeća:

Red. broj	Naziv ponuđača	Ukupna cijena ponude bez PDV-a (KM)
1.	„ MIBO KOMUNIKACIJE “ d.o.o. Sarajevo	139.309,52 KM

Obzirom da ponuda ponuđača „**MIBO KOMUNIKACIJE “ d.o.o. Sarajevo, Tvornička 3 ,71000 Sarajevo, BiH**, u ukupnom iznosu 139.309,52 KM u potpunosti odgovara traženim tehničkim zahtjevima ugovornog organa, da ovaj ponuđač ispunjava sve formalno-pravne, tehničke i ekonomske uslove odnosno zahtjeve ugovornog organa, odnosno da je njegova ponuda prihvatljiva za ugovorni organ, data je preporuka ugovornom organu da se u predmetnom postupku javne nabavke izvrši dodjela ugovora navedenom ponuđaču.

Cijeneći navedeno donesena je odluka kao u dispozitivu.

PRAVNA POUKA: Svaki ponuđač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnim nabavkama i /ili podzakonskih akata ima pravo uložiti žalbu ugovornom organu u roku od 10 (deset) dana po prijemu odluke o izboru, shodno članu 99. i članu 101. Zakona o javnim nabavkama i to radnim danima u radno vrijeme.


GENERALNI DIREKTOR
mr.sci. Mirsad Mujić

Dostaviti:

- Sektor za razvoj i informacioni sistem (Nosilac posla)
- Sektor za EKF poslove
- Odjeljenje za Javne nabavke
- Služba marketinga (za objavu)
- Ponuđačima putem Odjeljenja za javne nabavke
- Uprava društva
- a/a

